

L'apoteca Pütia a Picolin é stlütta dai 9 ai 17 d'aurí.

PLOANIES SAN MARTIN Y LUNGIARÜ

Le ploan siur Iaco Ploner gnará a vijité i amará le dedemesaledema (mercui) dl'edema santa, ai 12 d'aurí, danmisdé, pian ia da Lungiarü.

N poz por la vita. „I daidun l'Africa tl'Africa“ é le tema de na sèra d'informaziun y sensibilisaziun, en jöbia, ai 6 d'aurí, dales 20.00 tla Scora Mesana da La Ila. Al sará Alpidio Balbo (fondadú) y Roberto Vivarelli (presidènt) dl Grup Miscionar da Maran, che mostra y cunta de sües bunes esperiënzes. I sèis düc dër bel invia a chësta incuntada interessanta y importanta. Organisaziun: KVV-La Ila.

SAN MARTIN

Le Consèi de Cöra s'abina en sabeda, ai 8 d'aurí, dales 9.30 ales 12.00, por n de de clausöra, che dess ester na reflesciun y n impuls por jí inant tl dagní. An se dará jö cun chisc temesc: La situaziun religiosa te nosc paisc - Tradiziuns religioses (usanzes, rituai) ch'i orun tigní inant - Pröma odlada ai 11 temesc che é gnüs tratá tla Sinoda diozejana.

Te cortina sura la ciasa dai osc él n valgönes crusc y perts de zorghes de fosses che é gnüdes tutes demez. I familiars-proprietars é peria da les porté demez cina ala fin d'aurí. Ci che ne vëgn nia tut demez cina dailó, fistidiará le consèi de cöra da tó demez.

LUNGIARÜ

Le KVV da Lungiarü mët a jí por èi y ères n curs da cujiné spëises che vá da arjigné ca snel cun Hermann Dapoz ai 11 y 12 (mertesc y mercui) d'aurí dales 19.30 tla ciasadafüch dla scolina da Lungiarü. Le curs é limité a 10 partezipanc. Le cost por tó pert é de 20 euro porom. Präibel anunziesse cina en vëndres ai 7 d'aurí pro Carla 0474 590 088 da sèra.

La Cassa Raiffeisen lascia al savèi che dai 3 ai 7 d'aurí él la poscibilité da vijité la mostra di dessëgn dal tema "L'amizizia é plena de corú" realisá dai scholars dla scora elementara y mesana.

I dessegn é metüs fora tl salf dla Cassa Raiffeisen a San Martin de Tor cun chisc orars de vijita: dal lönesc al vëndres dales 14.25 ales 16.30. Düc é bel invia.

Düc é invia a n domisdé de informaziun cun la fisioterapista Gius Giuseppina sura l'importanza de conësce, capí y scone nosc spiné a na moda da prevegni y curé le me de spiné. I s'aspetun en jöbia, a 6 d'aurí, dales 15.00 tl'entrada dla Ciasa de Palsa a San Martin.

Le Fotoclub Val Badia lascia odèi en jöbia ai 6 d'aurí dales 20.30 tl salf dl Istitut Ladin a San Martin na proieziun de fotografies de Mario Clara dal titul „Tera Ladina“. Düc é dër bel invia.



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

02.04.17 – 09.04.17 nr. 19

termo da publiché: jöbia 20.00
radio: 90,40 / 93,70



5ª DOMÈNIA DE CARSÈMA - A

Vangele: Jan 11,1-45

Do ch'al â dit chësc,
àl cherdè cun usc sterscia:
Làzarus, vî fora!

Le mort é gnü fora,
sü pîsc y sües mans ê lià cun fascas
y so müs ê curî cun na peza dal assoius.
Gejù ti â dit:

Desliedi les fascas y lascédele jì.
Tröc di iüdes, che ê jüs da Maria
y â odü ci che Gejù â fat,
é rovà a crëie te èl.



Le vangele da incö é na storia lungia de vita y de mort, de amizizia y delujiun, de aspetanza y speranza. Al cunta dla mort de Lázár y de süa regnüda demorvëia y miracolosa fora de fossa.

Plü dadí me dessenâi pro chësc vangele:

*Ciodí se lasciâ pa Gejù tan dlaurela y n'aldí nia le scrai do aiüt dles sorus?
Da le capí deplëgn ne sunsi buna gnanca ciamó incö, mo intratan âi imparé:*

- 1. Al é tröpes cosses fondamentales tla vita che ne se lascia nia splighé, sciöche vita y mort, amur y soferënza, richëza y meseria, fortuna y desfortuna.*
- 2. Chël Bel Dî, te chël ch'i crëii sciöche Dî dla vita y dl amur, é gonot dalunc; datrai me pêl propi forest y sü intervënc che foss debojëgn atira ne se lascia nia programé.*
- 3. Lion la Sacra Scritöra ne dessi nia sté chit pro chës parores ch'i ne sun por le momënt nia buna da capí, mo pro chëres che me dij y me dá val'.*

Te chësc vangele él les parores de Gejù che me brancia:

*„Iö sun la ressureziun y la vita. Chël che crëi, viará, ince sc'al mör.“
Idí ó la vita, chël é sigü. Èl ó por me na vita plëna, fortunada y implida.
Magari atramënter co iö la oress. Mo i crëii che èl la ó. Christine Rod MC*

	SAN MARTIN	LUNGIARÜ	UNITÉ PASTORALA  AZIUN CARSÈMA 02/04 – 09/04
02.04.17 5^a DOMÈNIA de Carsèma – A Domènia dla Pasciun	ORA DA D'ISTÉ 9.00 Staziuns 9.30 Gran Mëssa dla Comunità <i>Oferta por le Kassianswerk</i>	ORA DA D'ISTÉ 7.55 Staziuns y confesciuns 8.15 Gran Mëssa dla Comunità <i>Oferta por le Kassianswerk</i>	„Fá para! A ci podessi pa renunzié“ L'Unité Pastorala Val Badia inviëia vignun y vignöna a fá deplü fora dla Carsèma. Jon fora da na Parora dl vangele dla domènia metunse dant edema por edema na proposta concreta por valorisé danü la ligrèza y la speranza liada ala Buna Noela. Les esperiënzes pó gní partides cun i atri, les publican sön la plata facebook (Gruppe: Aktion Verzicht) o internet (www.aktion-verzicht.net)
03.04.17 Lönesc <i>Richard, Elisabeta</i>	20.00 Cèrtl dla Bibla te colonia a San Martin	16.00 Staziuns 20.00 Cèrtl dla Bibla a San Martin	
04.04.17 Dedolönesc <i>Isidor, Konrad</i>	13.10 Confesciun di mituns y mitans che vá ala pröma comuniun 19.30 Mëssa + + + Barbara y Ester Baumgartner y Helmut Fink + + Fonjo y Milia Zingerle 20.00 Incuntada di geniturs de chi che vá a confermé te colonia	7.30 Zelebrazium dla Parora de Dî	por valorisé danü la ligrèza y la speranza liada ala Buna Noela. Les esperiënzes pó gní partides cun i atri, les publican sön la plata facebook (Gruppe: Aktion Verzicht) o internet (www.aktion-verzicht.net)
05.04.17 Dedemesaledema <i>Vinzenz Ferrer, Crescenzia</i>	19.30 Staziuns	7.50 Mëssa di scholars + Franz Clara, mone + + + Carlo y Pio Clara y sr. Alberta Mischi + siur Heinrich Videsott	Aziun: „Canche Maria á aldí chësc, éra atira lovada sö y é jüda da d'ël“ – <i>Jan 11,29</i> Tan gonot ch'i á vertores da ne aldí nia le messaje dla parora de Dî. I prô da lové sö da mia comodité y da me fá plü sterscia/sterch tla fede ince santifican le De dl Signur.
06.04.17 Jöbia <i>Zeletin, Prudenzia</i>	7.30 Mëssa di scholars por fam. Franz Zingerle + Sepl Ferdigg Corona por vocaziuns	14.30 Confesciun di scholars	-----
07.04.17 Vëndres <i>Jan Baptista de la Salle, Albert</i>	14.15 Confesciun di scholars dla Mesana 18.30 Adoraziun chîta 19.00 Devoziun de Carsèma	7.30 Mëssa + Matî Clara, Longher por les Animes 19.30 Funziun penitenziala	Intenziun dl Papa por le mëis d'aurí <i>I periun por la vocaziun di jogh -</i> <i>I periun che la jënt jona respognes cun generosité a süa cherdada y toles veramënter en conscidraziun da se dediché a Chël Bel Dî tl sorvisc da prou o tla vita conventuala.</i>
08.04.17 Sabeda <i>Walter, Beata</i>	8.30 – 12.00 Clausöra dl Consëi de Cöra 15.30 Mëssa tla Ciasa de Palsa 18.30 Mëssa prefestia por les families de Doro Verginer + Maria Graffonara + + Emilia Vantsch y Franz (dl ann)	20.00 Mëssa prefestia + Guido Clara + Daniele Pezzei, Ghestan	Incorajamënt - 5^a Domènia de Carsèma <i>Defrunt ala mort, dan da na fossa, orunse s'afidé cun Gejú al Pere, se tigní pro la fede te Chël Bel Dî che condejará la vita ala devënta sciöche pro la ressureziun de Lázar, de Gejú y inultima ince pro la mia.</i>
09.04.17 DOMÈNIA DAL ORÍ - ann A	10.00 Benedisciun dl orí dan colonia Ingres Pasciun do S. Matî y Mëssa	8.15 Benedisciun dl orí dan scora Ingres Pasciun do S. Matî y Mëssa 14.00 Bato de Sophie y Rafael Mischi	